



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԲՆԱՊԱՀՊԱՆՈՒԹՅԱՆ ՆԱԽԱՐԱՐՈՒԹՅԱՆ ԲՆԱՊԱՀՊԱՆՈՒԹՅԱՆ ԵՎ
ԸՆԴԵՐՔԻ ՏԵՍՉԱԿԱՆ ՄԱՐՄՆԻ
ԿՈՏԱՅՔԻ ՏԱՐԱԾՔԱՅԻՆ ԲԱԺԻՆ**

Ո Ր Ո Շ ՈՒ Մ N 11/06.1-Ա

**ԲՆԱՊԱՀՊԱՆԱԿԱՆ ՕՐԵՆՍԴՐՈՒԹՅԱՆ ԽԱԽՏՄԱՆ ՀԵՏԵՎԱՆՔՈՎ
ՇՐՋԱԿԱ ՄԻՋԱՎԱՅՐԻՆ ՀԱՍՑՎԱԾ ՎՆԱՍԻ ՀԱՏՈՒՑՄԱՆ
ՊԱՀԱՆՋ ՆԵՐԿԱՅԱՑՆԵԼՈՒ ՄԱՍԻՆ**

ք. Արտվյան

28 նոյեմբեր 2017 թվական

Հայաստանի Հանրապետության բնապահպանության նախարարության բնապահպանության և ընդերքի տեսչական մարմնի Կոտայքի տարածքային բաժնի պետ Մկրտիչ Վանոյանս՝ հիմք ընդունելով Հայաստանի Հանրապետության բնապահպանության նախարարության բնապահպանության և ընդերքի տեսչական մարմնի ղեկավարի 2017 թվականի նոյեմբերի 27-ի N° ՎԱՎ/01-Ա որոշման պահանջները, վերանայելով Ատոմ Արայիկի Մնացականյանի կողմից թույլ տրված բնապահպանական իրավախախտման հիմքով հարուցված վարչական վարույթի նյութերը

Պ Ա Ր Զ Ե Ց Ի

Հայաստանի Հանրապետության Արարատի մարզի Վեդի քաղաքի Մանուկ Սահակյան փողոցի 12 տան բնակիչ Ատոմ Արայիկի Մնացականյանը Սևան-Երևան մայրուղիով տեղափոխել է օրենքով սահմանված կարգի խախտմամբ որսված 200 հատ «Սիգ» տեսակի ձուկ, որի քաշը համաձայն Հայաստանի Հանրապետության բնապահպանության նախարարության բնապահպանության և ընդերքի տեսչական մարմնի ղեկավարի 2017 թվականի նոյեմբերի 27-ի N° ՎԱՎ/01-Ա որոշմամբ հաստատված փաստի և Հայաստանի Հանրապետության աշխատանքի և սոցիալական հարցերի նախարարության «Գավառի մանկատուն» պետական ոչ առևտրային կազմակերպության հումանիտար օգնություն ընդունող հանձնաժողովի 2017 թվականի հոկտեմբերի 6-ի ակտի համաձայն կազմում է 56 (հիսունվեց) կիլոգրամ:

Ատոմ Արայիկի Մնացականյանը իր գործողություններով խախտել է «Կենդանական աշխարհի մասին» Հայաստանի Հանրապետության օրենքի 24-րդ հոդվածի պահանջը, որի համար 2017 թվականի հոկտեմբերի 10-ին ենթարկվել է վարչական պատասխանատվության:

«Բնապահպանական իրավախախտումների հետևանքով կենդանական և բուսական աշխարհին պատճառված վնասի հատուցման սակագների մասին» Հայաստանի հանրապետության օրենքի 3-րդ հոդվածի 2-րդ կետի «գ» ենթակետի 5-րդ պարբերության համաձայն՝ «Սիգ» տեսակի ձկան (այլ տեսակի ձկներ) սակագինը սահմանված է 1000 (մեկ հազար) Հայաստանի Հանրապետության դրամ ձկան յուրաքանչյուր կիլոգրամի համար:

«Բնապահպանական իրավախախտումների հետևանքով կենդանական և բուսական աշխարհին պատճառված վնասի հատուցման սակագների մասին» Հայաստանի Հանրապետության օրենքի 6-րդ հոդվածի 8.1-ին մասի համաձայն՝ ապօրինի որսված, հավաքված և (կամ) մթերված՝ Հայաստանի Հանրապետության կենդանական աշխարհի վայրի տեսակների վաճառքի, գնման, ձեռքբերման, փոխանակման ու արտահանման դեպքում վնասի հատուցման չափը հաշվարկվում է համապատասխան տեսակի ապօրինի օգտագործման համար՝ սահմանված դրույքաչափերի կրկնապատիկի չափով:

Նշվածի վերլուծությունից ակնհայտ է, որ Ատոմ Արայիկի Մնացականյանի կողմից թույլ տրված իրավախախտման արդյունքում Հայաստանի Հանրապետությանը պատճառվել է 56000 (հիսունվեց հազար, 56x1000) Հայաստանի Հանրապետության դրամի չափով վնաս, որի հատուցման չափը կազմում է 112000 (մեկ հարյուր տասներկու հազար, 56000x2) Հայաստանի Հանրապետության դրամ:

Ելնելով վերոգրյալից և ղեկավարվելով «Բնապահպանական իրավախախտումների հետևանքով կենդանական և բուսական աշխարհին պատճառված վնասի հատուցման սակագների մասին» Հայաստանի հանրապետության օրենքի 7-րդ և 8-րդ հոդվածներով.

Ո Ր Ո Շ Ե Ց Ի

1. Ատոմ Արայիկի Մնացականյանին ներկայացնել բնապահպանական իրավախախտումների հետևանքով կենդանական աշխարհին պատճառված վնասի հատուցման պահանջ՝ վճարել 112000 (մեկ հարյուր տասներկու հազար) Հայաստանի Հանրապետության դրամ:

2. Սույն որոշումն օրինական ուժի մեջ է մտնում Ատոմ Արայիկի Մնացականյանին հանձնելու հաջորդ օրը:

3. Սույն որոշումը կարող է բողոքարկվել վարչական կամ դատական կարգով որոշումը հանձնելու (հանձնված համարվելու) օրվանից հետո՝ երկամսյա ժամկետում:

4. Որոշման օրինական ուժի մեջ մտնելու պահից երկամսյա ժամկետում վերջինս չբողոքարկվելու դեպքում այն դառնում է անբողոքարկելի և ենթակա է հարկադիր կատարման:

5. Սույն որոշմամբ սահմանված վնասի գումարը վճարել Հայաստանի Հանրապետության պետական բյուջե՝ 900005024063 հաշվին:

Բաժնի պետ՝



Կ.Տ.